



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Barzaei Herovm Helvetiorvm Epistolae**

**Barzaeus, Johannes**

**Fribvrgi Helvetiorvm, 1657**

Anagramma Helveticvm Illustriſſimo & Excellentiſſimo Domino Dn. Ioanni  
De La Barde, Eqviti, Matrolarvm Ad Seqvanam Comiti, &c. ...

**urn:nbn:de:hbz:466:1-13014**



ANAGRAMMA HELVETICVM

*Illustrissimo & Excellentissimo*

*Domino*

DN. IOANNI DE

LA BARDE, EQVITI,

MATROLARVM AD SE-

QVANAM COMITI, &c.

Christianissimo Galliarum & Nauarræ Regi

ab Consilijs intimis, & ad Heluetios, Rhæ-  
tosque LEGATO,

*Cuius Operâ*

*Inter eundem Inuictissimum Regem*

LVDOVICVM XIV.

ET

POTENTISSIMOS

HELVETIORVM

CANTONES

Fœderis & Amicitiae pristinae restauratio,  
hoc ipso tempore, est instituta.

*Honoris & Observantiae ergo consecratum.*

Tredecim Ciuitates apud Heluetios, Tigurum, Berna, Luceria, Vria, Suitia, Vndervaldia, Tugium, Clarona, Basilea, Friburgum, Solodurum, Scaphusia, et Appenzella.

X 4

ANA-

## ANAGRAMMA.

**C**ultura Astreae, Superum reuerentia, Zelus  
 Pupilli ac viduae, gloria amata DEI,  
 Illibata fides, humili, Concordia, pastu,  
 Augustum Nobis hunc tribuere gradum.

Viderat Hectoream genitos ab origine: Francos  
 Iupiter, Helueticis se sociare plagis:  
 Et noua liligeros meditari Foedera Reges,  
 Cumq; isthac firmam jungere gente fidem.  
 Atq; ait: Egregios quaquam inclita Gallia gignit,  
 Quantos nec Priami nouerat aula, Viros:  
 Helueticis stipata tamen si prodeat armis,  
 Gloria cum fuerit maxima, maior erit.  
 Astreae ac Superis, magniq; Tonantis honori  
 Quae magis inuigilet, Natio nulla patet.  
 Pupillo, ac reliquis in turbam paupere censu  
 Publica perpetuam cura ministrat opem.  
 Mutua in aeternum creuit Concordia Foedus,  
 Quod neq; vafra suis rumpat Arachna stro-  
 Indole frugali, patrioq; assueta salino, (phis.  
 Fercla Syracosiae non amat vlla gulae,  
 Contenta est humili, luxus inimica, paratu,  
 Nec petit Attalicas sobria mensa dapes.  
 Technarumq; expers, Pelopis periuria nescit,  
 Nescit Dulichios Helueta terra dolos.  
 Inuiolata manent promissi pondera verbi,  
 Illibata, homini facta DEO que, fides.  
 Impostor Metius, venali Curio lingua,  
 In tota hac nullam fert regione tribum.  
 Haec pietas, haec tanta fides, & Martia virtus,  
 Gloriaque excelsi semper amata DEI,  
 Nec minus eximiae Libertas aurea terrae,      Iam

Iam populo augustum contribuere gradum.  
 Felices nimium, quos pacto Fœdere Amicos,  
 Quos belli socios Gens ita fortis habet,  
 Talia dum prudens meditatur Gallia, FOEDVS  
 Vt renouet, lapidem sedula quemq; mouet.  
 Tanta sed ô cui nam dabitur prouincia? natum  
 Postulat ad quæuis non nisi summa virum.  
 Iudicium magni res hæc desiderat Argi,  
 Indiget hic oculis Lynceus ipse suis.  
 Ingenio doctas qui non transcendit Athenas,  
 Ne quicquã Helueticas ambit, obitq; plagas.  
 MATROLARVM ergo, luce hac, his dotibus auctus,  
 Grãde hoc præcipitur munus obire COMES.  
 Illius immensã renouantur Fœdera curã,  
 Tessera in antiquam surgit amica fidem:  
 Iungitur Hectoreis, Gens Herculis æmula, Frãcis,  
 Liligero Helueticum fragrat odore solum.  
 Sui tiam fidei custodia Regis, & ampli  
 Tutamen regni, perpete laude, datur. (bores,  
 Quis modò, quis tantos, ORATOR magne, la-  
 Quis referat meritum, Vir præciosa, tuum!  
 Gallica Mæonios, Te, Clio induta cothurnos,  
 Te celebret patrij Curia, plèbsque soli:  
 Te sacra Maiestas, Te Cardo & nata Coronæ  
 Purpura, supremum tollat ad vsq; gradum.  
 Perge, age, & Helueticos vt nôsti, ita suspice; Re-  
 Qui tribuere fidem, jure merentur opem. (gi  
 Cedite, & ad vestras posthac remigrate Myce-  
 Dorica & Inachijs castra referta dolis. (nas,  
 Dextera belligeros si fouerit Helueta Gallos,  
 Palma triumphales cinget vbique manus.

Ab Authore, qui supra.

L E.